

# Aruba Banker's Association cu directiva nobo



**ORANJESTAD** – Dialuna dia 7 di April, 2014, Aruba Banker's Association (ABA) a eligi un directiva nobo durante nan reunion general. Como resultado di e eleccion, Sr. Pierre Rafini, Country Manager and Market Head Business Banking Dutch Caribbean and Suriname of RBC, Royal Bank

(Aruba N.V.) a wordo nombra como e Presidente di e Asociacion pa e proximo dos añanan. Anteriormente Sr. Rafini a fungi como Tesorero di e Asociacion. E Presidente saliente, Sra. Marcelline Richardson di Aruba Bank a keda eligi como e Vice Presidente y Sr. Tony Brathwaite di Caribbean Mercantile Bank lo fungi como Tesorero. ABA ta e organo cu ta representa e institutonan financiero local y su miembronan cu e meta pa promove interesnan di banco y Aruba en general.

ABA ta compromete pa sigui traha na bienestar di nos comunidad segun e plan di accion cu nan a prepara pa e proximo dos añanan. Como experto riba tereno financiero, e miembronan di ABA ta dispuesto pa brinda conseho na nos gobernantenan, comunidad comercial y publico en general.



Mas especificamente ABA lo duna su contribucion pa asina nos comunidad ta bon informa riba topico nan economico y financiero cu ta afecta e comunidad en general y asina contribui na desaroyo di un economia sano. Keda pendiente pues pa e actividadnan cu ABA lo bay

organisa. Directiva di ABA ta extende un palabra di gratitud na Sra. Marcelline Richardson cu durante di e ultimo dos añanan aki a fungi como Presidente y ta yama bon bini na Sr. Pierre Rafini como e Presidente nobo y ta desea su persona hopi exito. □